

Фермин күцәнүгүс

Приозерн района «Сарпа» совхозин негдгч ферм совхоздан түрүн нүр ээлдж, бод мал болн хөд өсклгнә зурагъаң күцәв.

Эн джил үвлзньгд гарх 9 миньгын 800 бод мал болн 18 миньгын 900 хөн ясгдсн цевр хаша-хаацар теткгдв. Малин бәәрнд худгуд бас белдгдв.

Коммунистическ партин XXI-ч хург уктдж, эн фермин көдләчнр сән чинртә 7 миньгын тонн өвс белдв, зурань — 6 миньгын тонн бәәсмн, 560 тонн эрдни-шишән силос дарв.

Малин үвлзньгүр 4 миньгын 500 тонн өвсн, малин 30 тонн концентрированн хот зөбөдж белдгдв. Малин хотиг асхдж үрәштон учрт малин бәәрнд рештакуд ясгддж тәвгдв.

Эн фермд малчнр бәәх 19 гермүд ясгддж цеврлгдв. Гер болгънд радиоприемник, шатр, дөвв бәәнә.

Түрүн нүүрт йовх хөөч Леджинов Бадм эн джил 10,5 сарин эртгд нег чигн гару гаргълго хөн болгънас 5,9 килограмм ноос киргъджд авб,

бригадарн 80 тонн өвс үвлзньгүр зөбөдж овалв. Ах хөөч Н. Садахов эн джилд хөн болгънас 7,8 килограмм ноос авсн болхла, ирх 1959 джия хөн болгънас 8,5 килограмм ноос авч, ори-нуттан оруудж өгхвдн, — гидж эн хөөч келнә.

Эн фермд кесг механизатормуд бәәнә. Улгүрнь, зябь хагълджд, хаврин тәрәнд газр белдлгънд трактористнр үр Ванькаев Егор, Куршаев Николай өдрә кемджагъән даньгин 125 — 130 процент күргджд күцәнә.

Эн джил негдгч фермд 12 шин гермүд тосхгдв, энүнд электростанц, бань, клуб болн библиотек бәәнә. Көдлмшәсн сул цагла фермин күчкөлсчнр амрлгъ кедж газет, журналмуд умшхар библиотекд ирхәнә.

Негдгч фермин коллектив социалистическ дөрлдә делгрүлдж, 4-ч фермин коллективиг дуудла. Тер дөрлдәнд 1-ч ферм диилвр бәрдж, цуг малан үвләс гару уга, сән чинәтә гаргъх болдж шин даадгъвр авб.